

Mulakan bekerja dari bawah

Peringatan Tuanku Canselor kepada graduan UTHM

Sultan Johor, Duli Yang Maha Mulia Sultan Ibrahim ibni Almarhum Sultan Iskandar selaku Canselor Universiti Tun Hussein Onn Malaysia (UTHM), merakamkan ucapan tahniah kepada graduan yang berjaya menamatkan pengajian masing-masing ketika beritah pada sidang pertama Istiadat Konvokesyen ke-17 UTHM yang berlangsung di Dewan Sultan Ibrahim pada 14 Oktober lalu.

Tuanku Canselor juga mengingatkan graduan agar tidak menisai-saikan masa dan tenaga dan tidak terfalu memilih pekerjaan selain berusaha dengan lebih gigih untuk menambahkan lagi pengalaman bekerja.

"Mulakan bekerja dari bawah, bukan memilih hendak terus duduk di atas ijazah yang saudara-saudari ada kerana ia tidak akan menjanjikan pekerjaan yang baik atau pendapatan yang lumayan jika tidak disertakan dengan usaha yang bersungguh-sungguh," titah baginda.

Istiadat konvokesyen kali ini menyaksikan seramai 4,272 siswazah menerima sijil masing-masing merangkumi pelbagai peringkat pengajian iaitu Ijazah doktor falsafah (81), sarjana (341), sarjana muda (3260) dan diploma (590). Beberapa anugerah seperti Anugerah Diraja (Pingat Jaya Cemerlang), Anugerah Canselor, Anugerah Sultan Ibrahim, Anugerah Tan Sri Dato' Paduka Hjij Aishah Ghani, Anugerah Hadiah Buku Yayasan UTHM, Anugerah Projek Sarjana Muda Terbaik, Anugerah Khas Alumni UTHM (kategori pelajar), Anugerah Board of Engineers Malaysia (BEM) dan Anugerah UTHM Holdings turut dibenarkan kepada graduan terpilih.

Terima anugerah tertinggi

Aktif bersukan sehingga mewakili negeri tidak menghalang Muhammad Hariz Mohd Sharif, 24, meraih Anugerah Diraja (Pingat Jaya Cemerlang).

Hariz, pemenang emas skuad dayung Johor di Sukan Malaysia (Sukma) 2013, berkata, tidak pernah menyangka mampu meraih anugerah akademik tertinggi itu berikutan sering menghabiskan masa berlatih untuk persiapan pertandingan.

"Alhamdulillah, walaupun sering ketinggalan kelas sehingga dua minggu pada setiap semester berikutan mengikuti pelbagai latihan dan pertandingan baik di dalam negara serta di luar negara, saya masih mampu mencapai keputusan cemerlang," katanya.

Hariz yang mengikuti pengajian Ijazah Sarjana Muda Kejuruteraan Elektrik (Kuasas) berkata, dia mula aktif dalam sukan dayung ketika mengikuti pengajian diploma di UTHM.



Tiga penerima anugerah tertinggi mengabdikan kenangan bersama Tuanku Canselor, dari kiri: Tan Tee How, Puteri Najihah Adnan dan Muhammad Hariz (kanan).

"Apa yang saya lakukan adalah belajar dengan lebih awal sebelum bertemu pensyarah untuk bertanya pelajaran mahu pun ujian yang tertinggal selain mengulangi kaji pada waktu subuh setiap hari.

"Anugerah ini juga membuktikan aktif dalam aktiviti kokurikulum termasuk sukan tidak akan mengganggu pengajian asalkan pandai membahagikan masa dan berusaha gigih mencapai kecemerlangan," katanya yang kini bekerja sebagai jurutera

projek di Selangor.

Sementara itu, seorang lagi penerima Anugerah Diraja (Pingat Jaya Cemerlang) pada konvokesyen UTHM kali ini, Tan Tee How berkata, tiada rahsia tertentu untuknya mencapai kecemerlangan selain menumpukan sepenuh perhatian di kelas ketika pensyarah mengajar.

Beliau juga graduan Ijazah Sarjana Muda Kejuruteraan Awam berkata, apa yang penting baginya adalah memahami konsep dan teori pembelajaran dengan jelas.

"Saya tidak mengamalkan kaedah menghafal fakta pelajaran dan kurang gemar membaca buku berkali-kali bagi mengingat setiap pelajaran yang diajar.

"Saya juga tidak suka berada dalam tekanan akibat belajar dan sering menghabiskan masa menonton rancangan televisyen kegemaran bagi memudahkan belajar dan menumpukan perhatian di kelas," katanya.

Penerima dua anugerah serentak iaitu Anugerah Sultan Ibrahim dan Anugerah Naib

Anugerah Ijazah Kehormat Doktor Falsafah

Sementara itu, UTHM juga telah menganugerahkan Ijazah Kehormat Doktor Falsafah (Kejuruteraan Elektrik) kepada Prof Dr Mazlan Abbas dalam sidang pertama konvokesyen yang berlangsung di Dewan Sultan Ibrahim, kampus induk universiti.

Gelaran tersebut dikumiakan kepada Prof Dr Mazlan sebagai pengiktirafan terhadap sumbangan dan penglibatan beliau dalam pembangunan akademik dan penyelidikan, inovasi dan solusi produk, pengurusan teknologi serta operasi perangkaan di peringkat universiti, negara dan antarabangsa.

Prof Dr Mazlan merupakan seorang pakar dalam bidang Kejuruteraan Elektrik (Telekomunikasi) khususnya dalam bidang Internet of Things (IoT). Beliau berjaya membangunkan sebanyak 39 prototip penyelidikan sepanjang berkhidmat di Mimos Berhad. Beliau juga merupakan antara pengasas bagi penubuhan syarikat Favorit Sdn Bhd. Menerusi IoT Favorhealth yang ditubuhkan, platform ini berfungsi untuk mengawal dan memantau maklumat kesihatan serta keselamatan pesakit.

Di UTHM, anak kelahiran Johor Bahru ini juga bergiat aktif dalam program-program akademik, khususnya di Fakulti Kejuruteraan Elektrik dan Elektronik (FKEE) sehingga beliau mendapat pengiktirafan dari Lembaga Jurutera Malaysia. Beliau sering dijemput sebagai panel pembentangan dan penguatapan, sama ada di peringkat nasional mahupun antarabangsa.

Sumbangan beliau telah diiktiraf World CSR 2017 apabila beliau menduduki tempat ke-50 bagi kategori Most Impactful Smart Cities Leaders, hasil idea beliau dalam membangunkan bandar pintar, mendapat kedudukan ke-20 untuk The Internet of Things - Top 100 Thought Leaders dan menduduki tangga ke-10 teratas dalam IoT Top 100 Influencers serta di kedudukan 100 teratas dalam Smart Cities Top Expert.

Canselor, Puteri Najihah Adnan, 24, pula melahirkan rasa syukur atas penganugerahan yang sangat bermakna dalam hidupnya.

Najihah yang juga mantan Majlis Perwakilan Pelajar Sesi 13/15 ini berkata, pengurusan masa yang efisien adalah antara faktor utama untuk mencapai kejayaan.

"Saya perlu bijak membahagi masa antara akademik dan aktiviti kokurikulum dan cuba menyelesaikan tugas dan tanggungjawab mengikut keutamaan. Jika ada program atau aktiviti luar, saya akan selesaikan tugas yang diberikan pensyarah lebih awal," kata graduan Ijazah Sarjana Muda Pengurusan Hartanah dari Fakulti Pengurusan dan Teknologi Pemiagaan (FPTP) ini.



Keceerian terpancar di wajah sebahagian graduan pada majlis pengijazahan mereka.